



710
10.135
2526

Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37-33063-135 /19
Sarajevo, 11.10.2019.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko pitanje-dostavlja se

Zastupnik Zvonko Marić je na 13. Radnoj sjednici Skupštine Kantona Sarajevo, održanoj dana 25.09.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, postavio sljedeće zastupničko pitanje:

“Molim Vladu Kantona Sarajevo, Ministarstvo zdravstva, Zavod za javno zdravstvo, Televizija Sarajevo, Ministarstvo pravde i uprave da svako na odgovarajući način pokrene mini informativnu kampanju na TV, web stranicama, profilima društvenih mreža i slično po pitanju odlaganja lijekova sa isteklim rokom trajanja.

Zavod za javno zdravstvo je već imao intervju sa jednom od novinskih agencija, ali smatram da je potrebno više učiniti na širenju informacija u vezi ovog problema.”

U vezi sa postavljenim zastupničkim pitanjem, Ministarstvo zdravstva Kantona Sarajevo dostavlja sljedeći

ODGOVOR

Ministarstvo zdravstva Kantona Sarajevo podržava sve aktivnosti usmjerene prema stanovništvu, a koje za cilj imaju podizanje svijesti i edukaciji o opasnostima i uticaju na okoliš koji može nastati usljed nepravilnog odlaganja lijekova isteklog roka trajanja.

Zbrinjavanje farmaceutskog otpada, lijekova, neiskorištenih citotoksičnih lijekova ili onih sa isteklim rokom trajanja, hormona, imunosupresivnih sredstava, antiinfektivnih lijekova, kontroliranih lijekova kao što su amfetamini, narkotici i psihotropne tvari, opijata, te hemijskog i sličnog opasnog medicinskog otpada obavlja se u postrojenjima koja su ovlaštena za zbrinjavanje takve vrste otpada spaljivanjem na temperaturama višim od 1000°C kako njihov sadržaj ili produkti razgradnje ne bi dospjeli u okoliš. Spaljivanje lijekova se vrši u zemljama koje posjeduju takvu tehnologiju.

Procedure prijema, razvrstavanja, evidentiranja i adekvatnog pakovanja skupljenih lijekova posjeduje svaka zdravstvena ustanova, ambulanta, apoteka, kao i ugovorni odnos sa firmama koje vrše prikupljanje, transport i izvoz lijekova isteklog roka trajanja do konačnog spaljivanja.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



Proces uništavanja farmaceutskog otpada je dosta skup proces, te je prije informativne kampanje potrebno sagledati sljedeće:

1. Količine lijekova kojima je istekao rok trajanja, a uskladišteni su kod stanovnika Kantona Sarajevo. Pretpostavka da svaki stanovnik Kantona Sarajevo ima oko 200 grama ove vrste otpada rezultira količinom od 100.000 kg što znači da bi izvoz mogao koštati minimum 200.000 KM.
2. Mjesta prikupljanja ove vrste otpada, s obzirom da se stari lijekovi mogu odnijeti u najbližu ambulantu, dom zdravlja, bolnicu ili apoteku, a veterinarske ambulante i veterinarske apoteke stare veterinarske lijekove i sličan farmaceutski otpad koji je nastao pružanjem veterinarskih usluga na poljoprivrednim dobrima ili u kućanstvima.
3. Način prijema lijekova isteklog roka trajanja, sortiranje i odvajanje od kartonske ambalaže koja ne spada u opasni otpad.
4. Osiguranje finansijskih sredstava koja su potrebna za realizaciju ove aktivnosti, a koje zdravstveni sektor nije planirao u 2019.godini. Stanovišta smo da bi se u cijeni svake zdravstvene usluge koja se pruža, barem 0,10 KM trebalo biti namijenjeno zbrinjavanju medicinskog otpada.

Sve navedeno rezultira neophodnošću izrade posebnog Projekta u kojem bi se sagledali svi aspekti adekvatnog prikupljanja i zbrinjavanja lijekova isteklog roka trajanja od stanovništva Kantona Sarajevo, kao i sadržaj informacija namijenjenih stanovništvu.

S poštovanjem,



MINISTRICA

Prof. dr. sci. med. Amela Sofić

[Redacted signature area]

Pripremila: ~~Prim. mr.ph. Edina Stević~~

[Redacted name]

Kontrolisala: Prim. mr.ph. Enisa Salihefendić,
pomoćnica Ministrice

[Redacted name]

Dostaviti:

-Naslovu

- a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

